



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

დემეტრადე ბორის დავითის ძე

დემეტრადე ბორის დავითის ძე (5. I. 1934, თბილისი, – 17. VII. 2000, იქვე), სამთო ინჟინერი. პროფესორი (1985), საქართვე. საინჟ. აკად. ნამდვ. წევრი (2000).

დაამთავრა საქართვე. პოლიტექ. ინ-ტი (1957). 1957-59 მუშაობდა დონბასის შახტებში, 1960-72 – სხვადასხვა პარტ.-სამეურნეო სამუშაოზე საქართველოში.

1984-89 იყო საქართვე. პოლიტექ. ინ-ტის სამთო ფაკ-ტის დეკანი, 1989-იდან გარდაცვალებამდე – სასარგებლო წიაღისეულის საბადოთა დამუშავების კათედრის გამგე. საქართვე. სამთო საზ-ბის თავ-რე (1998), „სამთო ჟურნალის“ დამაარსებელი და მთ. რედაქტორი (1998).

1993 საქართვე. ტექ. უნ-ტში სასწავლო შახტი-ლაბორატორიის შექმნისათვის ავტორთა ჯგუფს, რ-საც იგი ხელმძღვანელობდა, მიენიჭა საქართვე. სახელმწ. პრემია (ამჟამად – შახტი-ლაბორატორია მისი სახელობისა).

ავტორია მრავალი სამეცნ. ნაშრომისა და 5 სახელმძღვანელოსი.

მიღებული აქვს სახელმწ. ჯილდოები, მ. შ. ღირსების ორდენი (1997).

თხზ.: მარგი წიაღისეულის მოპოვება, თბ., 1980; ქანების მასივის მდგრადობის მართვა, ნაწ. 1, თბ., 1982.

